

ملاحظة عجيبة في سورة الفاتحة ! | د. حازم شومان

حازم شومان

سلام عليكم ورحمة الله وبركاته. عجائب القرآن لا تنتهي يا جماعة. وعجائب سورة الفاتحة ام الكتاب. المفروض امهات الكتب تبقى خمستاشر مجلد وعشرين مجلد. تخيلي ان ام الكتاب كان المفروض سورة خمسين - 00:00:00

ستين صفحة ميت صفحة هي ثلاث سطور عجائب لا تنتهي. من يعني اخر حاجة لاحظتها في سورة الفاتحة وحسيت انها يعني سبحان الله فرقت معي اوي ان ربنا مصنف البشرية خمس اصناف في سورة الفاتحة. ان ربنا بيصنف للسالك الى الله خمس انواع. اول نوع متصنف في سورة الفاتحة - 00:00:20

اللي هو الحمد لله رب العالمين. يا رب اللي قاعد يجمع نعم ربنا ويحمده عليها. رب العالمين اللي قاعد يتدبر في العوالم واعجاز ربنا. في خلق عالم عالم الجبال وعالم الاسماك وعالم البحار وعالم البشر رب العالمين. وربوبية الله ونعم الله في الدنيا كلها. الرحمن الرحيم. اللي قاعد - 00:00:40

نتعرف على اسماء الله الحسنى. مالك يوم الدين اللي قعد يفكر في تفاصيل يوم القيامة. وهيمنة ربنا على مقدرات الانسان في يوم القيامة. يبقى ده النوع الاول المجاهد المجاهد السالك الى الله سبحانه وتعالى. المجاهد في السلوك الى الله سبحانه وتعالى اللي اللي عايز يوصل لربنا فيحاول بقى - 00:01:00

اعرف الاسماء الحسنى وبيحاول بقى يعرف تفاصيل يوم القيامة. وبيحاول يعدد نعم ربنا. ده النوع الاول. انت ده ولا مش ده؟ النوع الثاني اياك نعبد. اياك بقى فيه خطاب مباشر بينه وبين ربنا. اياك نستعين. اهدنا. بقى على طول مشغول بربنا ومشغول انه يقرب اكثر من ربنا. دول بقى مش اهل المجاهدة. دول اهل - 00:01:20

هل الترقية خد ترقية بقى؟ ده اللي بدأ بقى قلبه يلمس مع جلال ربنا. ده اللي بدأ يسكن قلبه مشاعر. الاولاني بيجاهد. بس لسه قلبه ما لقطش لسه ما لقطش. انما ده خلاص بقى متصل بالله. في حياة قلب مع الله. موصول بجلال الله. وبقى بيتكلم مع ربنا مباشرة في - 00:01:40

قربناه ناجيا دول اهل الترقية اللي قلبه بدأ بجد تسكنه مشاعر ايمانية عالية جدا بعد الاعمال الصالحة اللي عملها. النوع الثالث الذين انعمت عليهم. دول اهل الوصول بقى. دول الراسخين في طريق الله. دول على فكرة مش الانبياء بس. اولئك الذين انعم الله عليهم من النبيين - 00:02:00

والصديقين والشهداء والصالحين. دول قدوات دول اجعلنا للمتقين اماما. دول قدوات البشرية في العمل الصالح. دول اللي لما تشوفهم تفتكر الدين. لما تشوف في الدعوة في العبادة في التضحية في الاوراد. في الاخلاق مع الاولاد مع الزوجة. تفتكر الدين. فدول اصحاب الاحوال - 00:02:20

مستقرة. اصحاب الاعمال المستقرة يبقى دول اهل الوصول واهل الرسوخ في الطريق يبقى ده المقام الثالث. النوع الرابع غير المغضوب عليهم النوع الخامس الضالين. المغضوب عليهم دول اللي عرفوا الصح وسابوه وهم عارفينه. اللي التزم وعرف الصح وانتكس ثاني. اللي اسلم وعرف النور - 00:02:40

ثاني اللي عارف الحلال من الحرام بس بيعمل الحرام لان شهوته غلباه. ونفسيته هي اللي راكباه. مش هو قائد نفسيته. فده الانسان اللي بيعمل الغلط وهو عارف الصح. ده المغضوب عليه. والعياذ بالله والغضب هو ما قبل الانتقام والعقوبة. النوع الخامس ولا الضالين - 00:03:00

الباب تايه باب تايه اللي مش عارف الصح من الغلط بيعمل الغلط لانه مش عارف. وما بياخدش باسباب انه يعرف ما بيدورش على الصلبة الصالحة. ما بيدورش على الارتباط اهل العلم ما بيدورش على سماع الدين والدروس والمقاطع الدينية عشان يعرف ما بيدورش على الصح اصلا. فهو تايه وماشي في الغلط وما بيدورش على - [00:03:20](#)

اح وهو مكمل في اللي هو فيه. دول خمس اصناف. ربنا بيصنفنا من اول سورة الفاتحة. ربنا بيديك مقياس تقيس نفسك عليه من اول صفحة في القرآن. ربنا بيقول لك - [00:03:40](#)

قيمي نفسك انت فين ؟ انت فين ؟ انت مين ؟ انت انت العربية اللي بتقود القطر مقدمة القاطرة. قائد ثغر من صغور الدعوة وناس كثير ماشية وراك ولا انت عربية من عربيات القطر محملة ركاب ؟ بس هي متساءة برضو ولا انت القضبان اللي ممسوح عشان القطر يمشي وعشان غيره ينطلق في الدين - [00:03:50](#)

ولا انت اللي راكب القطر وقاعد تتفرج ومستمتع بالمناظر من برة وخلاص انت مين ؟ ربنا من اول صفحة في القرآن ومن اول سورة بتقراها سبعتاشر مرة في القرآن بيعلمك انك - [00:04:10](#)

لازم تقيم نفسك. لازم تقيمي نفسك انت السالك الى الله. اللي بيجهتد في الاعمال الصالحة عشان يوصل. بيجهتد في معرفة الله ومعرفة الدار الاخرة عشان يوصل ولا انت اللي قلبك بدأ فعلا يلقط وبقى عندك حال في الذكر وبقى قلبك في جنة وانت واقف بتصلي ولا انت الراسخ اللي خلاص - [00:04:20](#)

استقرت ما بقتش سطر وسطر وفلاشات بتنور وتطفي جواك. انت بقيت مستقر في الاستمرار ومستمر في الاستقرار. في العلاقة لو حياتك كلها اوراد مستقرة في العبادة والدعوة والاخوة وصلة الرحم ولا انت والعياذ بالله اللي عارف الصح بس بيعمل الغلط ولا انت اللي - [00:04:40](#)

الغلط وهو تايه وما بياخدش بالاسباب. تصنيف جبار في سورة الفاتحة. تصنيف رهيب في سورة الفاتحة. ربنا بيعلمنا. لازم كل يوم نصنف نفسنا سبعتاشر اللي هم السبعتاشر ركعة فريضة ونشوف احنا وصلنا لفين عجائب القرآن لا تنتهي. يا ريت نقرا الفاتحة بهزه الروح النهاردة. يا ريت نتعلم ان احنا نقرأ الفاتحة وكل - [00:05:00](#)

نشوف احنا وصلنا لفين في علاقتنا بالله سبحانه وتعالى سبحانهك اللهم وبحمدك اشهد ان لا اله الا انت - [00:05:20](#)